

بسم الله الرحمن الرحيم
الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد
قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عنهن قلب مسلم : إخلاص العمل لله ، و مناصرة ولادة الأمر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و آتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - **خلاصة حكم المحدث :** صحيح

بسم الله الرحمن الرحيم ،،
هنحاول نكمل الكورس بإذن الله ،، النهاردا هنتكلم على واحد من أهم الموضوعات في ال mechanical ventilation
أو واحد من أهم ال skills في ال Mechanical
اللي هو interpretation of mechanical ventilation waveforms

إزاي نترجم ونقرأ ال waveform ونعمل ليها analysis بتاعت ال mechanical ventilation
والحقيقة إحنا مش ممكن نفهم ال mechanical ventilation ولا نتعامل معاه بدون استخدام ال waveforms وال graphs
بتاعت ال ventilators
فالنهاردا بإذن الله هنحاول نشوف إزاي نقدر نفهم ال waveforms بتاعت ال mechanical ventilation

من خمس سنين ،، عملنا survey بين دكاترة الرعاية عشان نقيم ونعرف كام في المية من الدكاترة بيستخدموا ال waveform وال
analysis of waveform عشان يترجموا مشاكل العيان ،، أو عشان ي setup the ventilator ،، أو عشان troubleshooting
الحقيقة كانت صدمة ،، لأن كان عشرة في المية ودي نسبة قليلة جداً ،، وكانت المشكلة مفيش systematic stepwise approach to
read the graph (معدناش طريقة منظمة مرتبة بترتيب معين نقرأ بيها ال waveforms)
دائماً كانت العملية عبارة عن spot diagnosis ،، يعني flight of ideas ،، يعني فيه مثلاً flow starvation ،، فيه inadequate
flow ،، دا أنا هنا شايف إن العيان على ACV mode ومش مناسب ليه
فمكنتش الأمور منظمة ،، فحاولنا إننا نعمل stepwise approach عشان نقدر نقرأ ال ventilator waveform
نتعشم إنه يكون مفيد بإذن الله ،، ويفيدنا عشان نفهم ال Mechanical ventilation بطريقة أفضل بإذن الله ،، to initially set
the mechanical ventilation to troubleshoot the mechanical ventilation and help us in even weaning MV

زي ما اتفقنا في أي خطوة من خطوات ال mechanical ventilation ،،
أهم حاجة إنك تبقى familiar with your device ،، حتى في ال waveform analysis and interpretation
بتفرق جداً ال different devices ،، زي ما إحنا شايفين ،، ال Interface نفسه مختلف شوية
وكل شركة بيحط لك tool تساعدك غير الشركات التانية
فدائماً أول step إنك تبقى familiar with your device

في ال section دا ،، تقريباً هناخد حوالي 825 << waveform
ونحاول نقرأهم بإذن الله مع بعض ،، فمن فضلك متزهقش ،، أنا عايزك تمشي بالترتيب دا في كل ال waveform

فأول حاجة عندنا الأهداف بتاعتنا في ال section دا ،،

VISIT...

LANZAROTE
Caliente.COM

Differentiate between different ventilator waveform (Scalars Vs Loops)
عايزين نعرف ال Scalars نفرقها من ال Loops ,, وأنواع ال Scalars نفرقها من بعض ,, وأنواع ال Loops نفرقها من بعض
دي أول خطوة ,, إحنا differentiate ال different waveform ,, إن عينينا تأخذ شكل كل waveform

تاني خطوة ,,

عايزين identify different type of breath ,,

يا ترى النفس الي أدامنا ده ,, دا نفس ال targeting volume ولا نفس ال targeting Pressure
ويا ترى النفس ده Mandatory ولا assisted ولا supported ولا spontaneous

الخطوة الي بعد كده ,,

عايزين identify the mode of mechanical ventilation ,,

أنا عندي مجموعة أنفاس ,, يا ترى الأنفاس دي بتشكل أنهي Mode ,, يا ترى ال graph الي أدامي دا بيشكل أنهي mode
يبقى دا أول Objective من ال objectives بتاعتنا

تاني Objective ,,

Identify the ventilator settings (set up by the operator)

حضرتك لما تبص على ال graph وتعرف ال Mode ,, أنا عايزك تعرف من شكل ال graph دا ال settings الي الدكتور أو ال
respiratory therapist ,, أو ال physician ,, أو ال Nurse ظابطها على ال ventilator

ثالث objective ,,

Is to evaluate the lung mechanics

أنا عايز أعرف هل العيان ده عنده مشكلة في ال compliance وال distensability of the lung ,, ولا عنده مشكلة في ال
resistance وال airway ?? ولا عنده مشكلة combined problem ?? ولا معندوش مشكلة في ال Lung mechanics وعنده
مشكلة في مكان تاني ??

فأنا محتاج أعرف ال lung mechanics using the waveform

رابع Objective ,,

Is to evaluate the appropriateness of ventilator settings

حضرتك لازم تعرف لي ال settings الي إنت ظابطها دي ,, هل هي مناسبة للعيان ?? ولا محتاجة to be modified عن طريق استخدام
ال waveform ,, يعني حضرتك لما تبص على ال waveform محتاج حضرتك تعرف ,, هل ال settings دي مناسبة ولا غير مناسبة

خامس وآخر objective ,,

Is to diagnose specific problems in each waveform and evaluate the patient ventilator interaction or
synchrony


هل العيان متناغم مع الجهاز ولا لا ?? وهل عنده مشكلة في الجهاز ولا لا باستخدام ال waveform ??

يبقى دول الخمسة Objectives الي إحنا محتاجين نتعرف عليهم ,, لما نقرأ أي waveform ,, أو نستفيد من ال waveform

هنبداً ال section بتاعنا ,, ب case scenario

A patient Mr X with suspected SARI COVID 19 in invasively ventilated
والصورة الي جاية معانا دي his ventilator waveforms

زي ما إحنا شايفين أدامنا فيه ثلاثة waveforms
المطلوب من حضرتك ,, to identify the waveforms present in this figure



يا ترى إيه اللي أدامنا ده ؟؟ Scalars or loops
Which scalars ؟ لو كان
Which loops ؟ لو كان

ثمرة اثنين ,,

عايزين نعرف the types of breath اللي أدامنا
إحنا أدامنا تلت أنفاس ,, يا ترى إيه types of breath
Mode of mechanical ventilation وإيه ال
المحطوط

ثمرة ثلاثة ,,

عايزين نعرف ال initial ventilator settings
اللي اتعملت عن طريق ال Operator

يبقى دا ال Objective ثمرة واحدة ,,
إنك تعرف التلت حاجات دول

الهدف الثاني ,, عايزين نعمل evaluation of patient lung mechanics
يا ترى العيان عنده مشكلة regarding the compliance ؟؟ يا ترى
type of lung mechanics ال hypoxemia بناءً على ال Resistance ولا لا ؟؟

رقم ثلاثة ,, يا ترى ال settings اللي الدكتور ظابطها هنا في ال Mode دا ,, مناسبة للعيان ؟؟ ولا فيه حاجات محتاجة تتغير ؟؟ وإيه
الحاجات اللي محتاجة تتغير according to this graph ؟؟

وأخيرا ,, عايزين نعرف ال patient ventilator interaction ,, وال synchrony
هل فيه any type of dyssynchrony ؟؟ هل العيان مش مستريح ؟؟ هل العيان محتاج management ؟؟ وإيه نوع ال
dyssynchrony لو هو موجود ؟؟

وزي ما قولنا قبل كده ,, ال section دا هيكون revision لل whole mechanical ventilation
بإذن الله ,, فتعالوا نفكر ال Positive pressure ventilation كان بيتم إزاي ؟؟
إحنا قولنا ال ventilation عبارة عن أربع أربعات

إيه هما الأربع أربعات دول ؟؟

أربعة variables ,, يتغيروا في النفس الواحد
وأربعة Phases ,, أربع مراحل للنفس
وأربعة types ,, أربع أنواع للأنفاس
وأربعة conventional modes

تعالوا نراجع الأربع أربعات دول مع بعض ,, ونشوف إزاي ممكن نقدر نستعين بال waveforms to understand that

أول حاجة عايزين نراجعها ,, الأربعة ال variables ,,

هي ال basic variables اللي بتتغير أثناء ال mechanical breath
إحنا قولنا فيه أربع متغيرات بيحصلوا في أثناء ال mechanical breath
أول حاجة النفس الصناعي ,,

أو ال Positive pressure ventilation محتاج pressure difference أو pressure gradient
ال Pressure دا هو القوة (أو ال force) اللي بتزق الهواء جوا ال Lung

تاني حاجة ,, ال volume يتغير ,,

ال Pressure دا بيزق volume (ال volume دا اللي هو كمية أو amount of air داخل جوا ال Lung)

هذا الهواء اللي اتزق بقوة معينة ,,

دخل ب flow معين (ال flow اللي هو السرعة ال speed بتاعت دخول الهواء)

وهذا الهواء time معين (أو وقت أو duration معين)

دول الأربعة variables اللي بيتغيروا أثناء النفس الصناعي

زي ما اتفقنا قبل كده ,, الأربعة variables << affect each others

بكل بساطة ,, كل ما تزود ال Pressure ,, أكيد السرعة أو ال flow هيزيد

وأكد ال volume هيزيد لو إنت مش مثبتهم

وكل ما تزود ال flow أكيد ال time هيقبل ,, فالأربعة variables << are affecting each others بصورة أو بأخرى

الحاجة الثانية ,,

إن دايماً أي ventilator mode ,, بيديك القدرة إنك ت setup ,, أو control اثنين Parameters

عادةً إنت بتتحكم في اثنين والأثنين التانيين are dependent variables

That changes according to the patient characteristics

يعني إنت غالباً ب control ال Pressure (أو قوة الزقة) ,, وال time (الوقت اللي بتزق فيه الهواء)

دا في ال Pressure mode

أو أحياناً بت control ال volume (أو الكمية اللي اتزقت) ,, وال flow (سرعة دخول الهواء)

بالتالي لو إنت volume control ,, بتتحكم في ال volume ومعك ال flow ,, يبقى ال pressure وال time of inspiration

هيتغير على حسب ال Lung mechanics

ولو إنت Pressure control

بتتحكم في ال Pressure وال time of inspiration

يبقى ال volume وسرعة دخول الهواء هتتغير من عيان للتاني على حسب ال Lung mechanics بتاعته


يبقى دي أول أربعة في ال mechanical ventilation اللي هي ال basic

تاني حاجة عايزين نراجعها ,, ال phases of mechanical breath ,,

زي ما اتفقنا ال mechanical breath << trigger of inspiration

بعدين ال flow of gas till the limit of inspiration

بعدين Opening the expiratory valve and cycle of the inspiration ,, بعدين ال expiration يحصل till the



baseline pressure يوصل

دول الأربع مراحل بتوع النفس الصناعي

المرحلة اللي هي فترة A ,, trigger of inspiration
اللي هي بيحصل فيها opening of inspiratory valve
عشان بعدها الهواء يتحرك من ناحية الجهاز

إيه اللي يفتح لي ال inspiratory valve ??

حاجة من الأتئين ,,

يا إما ال machine ,, لو العيان مبيعلمش أي effort

أو ال Patient ,, لو العيان بيعمل effort

إزاي machine تفتح ال valve ??

عن طريق ال set rate ,, حضرتك لو ظابط ال respiratory

rate على عشرة مثلاً (يعني نفس كل ست ثواني)

الجهاز يستنى ثانية ,, اتنين ,, ثلاثة ,, أربعة ,, خمسة ,, في الثانية

السادسة العيان معملش مجهود ,, يقوم ال time هو اللي يفتح

ال inspiratory valve

طيب ,, إزاي ال patient هو اللي يفتح ال valve ??

عن طريق ال effort اللي هو بيعمله ,, ال effort اللي بيعمله ال patient بيكون في هيئة negative pressure و change in

flow ,, بغير ال flow في ال circuit وبيعلم negative pressure

على حسب ال sensor الموجود في الجهاز : هل هو sensor pressure ?? ولا sensor flow ?? هيجس ال activity بتاعت

ال Patient وال effort بتاعت ال patient ويفتح له ال valve

ال phase رقم B ,,

هي ال flow of gases till ال Lung تتملي (لغاية حدود ال inspiration ,, اللي هي ال Limit)

إيه اللي بيقل ال inspiratory valve ?? اللي هي ال Limit (أو قفلة ال inspiratory valve بعد ما كان مفتوح) ??

حاجة من اتنين :

- في ال Pressure mode : اللي بيقل ال inspiratory valve هو ال Pressure
- في ال volume mode : ال limit variable بيكون ال volume أو ال flow ,, حضرتك لما بتتحكم في سرعة دخول الهواء لفترة زمنية محددة ,, كده كأنك اتحكمت في ال volume بطريقة غير مباشرة (فبعض ال old volume control modes كانوا flow) فحضرتك ال flow limit أو ال flow control ما هو إلا flow control بنية ال volume

المرحلة الثالثة ,, Phase C ,,

اللي هي ال cycle of inspiration ,, اللي هي حضرتك بتفتح ال expiratory valve عشان تخرج الهواء من جوا ال lung

فتحة ال expiratory valve ,, حاجة من اتنين :

- يا إما ال machine هي اللي بتفتح ال expiratory valve : عن طريق إن ال time بتاع ال inspiration عدى
- أو ال volume هو اللي يفتح ال expiratory valve

- أو ال patient هو الذي يفتح ال expiratory valve

إزاي ال patient يفتح ال expiratory valve ؟؟

عن طريق ال decline in flow ,, حضرتك سرعة دخول الهواء لما تبتي تقل ,, الجهاز يعرف إن العيان كدا اكتفى ,, أو العيان ابتدى يتعب فيفتح له ال expiratory valve عشان ميتعبش

آخر مرحلة من مراحل النفس ,, phase D ,,

اللي هي ال expiration لغاية ما نوصل لل baseline pressure ,, اللي هو either بيكون زيرو (related to atmospheric pressure) أو يكون Positive end expiratory pressure (أو ال PEEP اللي إحنا حاطينه)

تالت حاجة عايزين نراجعها ,, types of mechanical breath

الأنواع المختلفة لل mechanical breath ,, أنا عندي أربع أنواع من الأنفاس الصناعية ,, بتختلف ما بينهم في كل مراحل النفس بتاعته أول نوع اللي هو ال mandatory ,, وتاني نوع اللي هو assisted ,, وتالت نوع هو ال supported ,, ورابع نوع ال spontaneous

الفرق ما بينهم إيه ؟؟

ال mandatory breath ,, العيان مبيعملش أي حاجة خالص الجهاز هو اللي بيدأ النفس ,, وهو اللي بيحدد حدود النفس ,, وهو اللي بينهي النفس

ال assisted breath ,,

العيان بيدأ النفس ,, لكن الجهاز ب control النفس وبينهي النفس

ال supported breath ,,

العيان بيأخذ نفس ,, فالجهاز يساعد ب fixed pressure

ال spontaneous breath ,,

العيان اللي بيعمل كل حاجة

Ventilator Breaths And Phase Variables			
Type Of Ventilation	Trigger	Limit	Cycle
Mandatory	Machine	Machine	Machine
Assisted	Patient	Machine	Machine
Supported	Patient	Machine	Patient
Spontaneous	Patient	Patient	Patient

نقولها تاني ,,

ال mandatory breath ,, العيان مبيعملش أي مجهود حاجة خالص ,, الجهاز هو ال trigger و control و cycle

ال assisted breath ,, العيان يدوبك بيعمل negative pressure في الأول فيعمل trigger ويفتح ال valve فالجهاز ي control breath و cycle

ال supported breath ,, العيان بيدأ النفس وبتبدي يعمل negative pressure ,, فالجهاز يساعد ب fixed amount of pressure بس العيان هو اللي بيحدد انتهاء النفس

ال spontaneous breath ,, العيان هو اللي بيعمل كل حاجة ,, والجهاز مبيعملش كل حاجة

نختصر ونفهم ال types and phases of mechanical breath ,,

أنا عندي أول نوع من أنواع الأنفاس اللي هو controlled breath ,,

مين اللي بيدأه وبيعمله start ,, أو ب trigger ال ventilation ؟؟

ال Machine ,, لو العيان معملش أي effort عن طريق ال time

إيه ال control أو ال Limit variable بتاعه ؟؟

ال machine بردو ,, عن طريق either ال volume أو ال Pressure يبقى أنا عندي two controlled breath واحد pressure controlled والتاني volume control

	Breath	Start (trigger)	Limit (control)	End (cycle)
Mechanical	Controlled 	M (Time)	Volume or pressure	M (Time)
	Assisted 	P (Flow/Pressure)	Volume or pressure	M (Time)
Spontaneous	Supported 	P (Flow/Pressure)	Pressure	P (Flow)
	Spontaneous 	P (Flow/Pressure)	P	P (Flow)

مين اللي بينهي هذا النفس ال computerized بالكامل ؟؟

أو بيعمله cycle of inspiration ؟؟

ال Machine عن طريق لما يعدي ال time of inspiration

تاني نوع من أنواع النفس الصناعي ,,

اللي هو assisted breath ,,

مين اللي ببداه ؟؟

عن طريق ال change in flow ,, و change in pressure اللي هو بيعمله

مين اللي limit (أو control) ؟؟

ال Machine (لأن دا نفس computerized شبه ال controlled بالظبط عن طريق either volume or pressure

مين اللي بينهي النفس ؟؟

ال Machine عن طريق ال time

تالت نوع ال supported breath ,,

النفس المدعوم ,, مين اللي ببداه ؟؟

ال patient عن طريق ال change in flow لما يشفط الهواء ويغير في سرعة الهواء في ال circuit

أو يغير ال Pressure في ال circuit ,, فال sensor يحس فيفتح ال valve

إيه ال Limit (أو ال control) بتاعه ؟

ال pressure (أنا دايماً عندي Pressure limit) ,, يعني لما العيان يفتح ال valve يشفط الهواء

أنا بساعده ب fixed amount of inspiration

مين اللي بينهي النفس ال supported ؟؟

العيان لما يبتدي يتعب

إزاي الجهاز يعرف إن العيان ابتدى يتعب ؟؟

عن طريق ال inspiratory flow ينزل لغاية ما يوصل لخمسة وعشرين في الملية من أقصى flow وصله

النوع الرابع من الأنفاس ,, spontaneous ,,

مين اللي ببداه ؟؟

ال patient

مين اللي ب control ؟؟ ال Patient

مين الي cycle ؟؟

ال patient

وزي ما إحنا شايفين ,, النفس دا بيكون negative في ال inspiration ,, إنت بتشفط الهواء
و Positive عن طريق ال elastic recoil في ال expiration

أول نفسين الي هما ال controlled وال assisted
بنعتبرهم mechanical breaths

تاني نفسين ,, الي هما supported وال spontaneous
بنعتبرهم spontaneous breaths

ليه ؟؟

لأن ال controlled وال assisted breath ,, effort ,, أو أي work of breathing
أقصى حاجة هو بيعملها مجرد trigger

إمها ال supported وال spontaneous breath

العيان طول الوقت بيشفط ,, وطول الوقت ال respiratory muscle شغالة
بالتالي مش هيحصله disuse atrophy

بالتالي ,,

لما نيجي نتكلم ونقول إحنا محتاجين نحافظ على ال spontaneous breathing
نعني بيها ال supported وال spontaneous breathing

رابع حاجة عايزين نراجعها ,, conventional modes

عشان تكتمل دائرة ال positive pressure ventilation ,, الأربع أربعات الي إحنا قولنا عليهم
هو ال conventional أو ال basic modes

ال Mode عبارة عن برنامج كمبيوتر بيحس العيان ,, وعلى حسب رغبة العيان وال effort بتاع العيان
يبتدي يوزع أنفاس ,,

فإحنا عندنا أربعة basic modes


أول Mode معنا ,, الي هو assisted control volume control (AC/VC) (ACV)
الي هو بيدي controlled breath ,, لو العيان معملش أي effort خالص ويدي assisted breath لو العيان عمل effort
بين ال controlled breaths

تاني mode معنا ,, الي هو assisted control pressure control (PC/PC) (PCV)
الي هو شبه ال ACV بالظبط ,,


الي هو بيدي controlled breath ,, بس هنا ب pressure target (fixed pressure يعني)
لو العيان معملش أي effort trigger
ولو العيان عمل effort trigger بيديله assisted breath

تالت mode ,, الي هو SIMV (plus PS)
 ال SIMV سواءاً معاه pressure support أو لا ,,
 الي هو لو العيان معملش أي effort خالص بيديله controlled breath ,, لو العيان عمل effort في ميعاد ال controlled breath (يعني لو كل ست ثواني مثلاً بيحاول يعمل effort في الثانية السادسة يديله assisted breath)
 لو العيان in-between الأنفاس دي حاول يعمل effort يديله supported breath لو أنا حاطط pressure support وهيديله spontaneous breath لو أنا حاططه zero pressure support

رابع وآخر Mode من ال conventional modes ,, PSV/CPAP ,,
 الي هو pressure support / CPAP (وساعات بنسميه spontaneous ,, أو assisted spontaneous breathing)
 الي هو لو حضرتك ظابط بس PEEP ,, من غير أي مساعدة للعيان
 العيان هياخد أنفاس نوعها spontaneous
 لو حضرتك عامل inspiratory support للعيان أو Pressure support العيان هياخد supported breath
 دي ال conventional modes الي عندنا وال types of breath الي هي بتديها



تعالوا نبدأ نتكلم على ال waveforms ,,
 وهنتكلم على ال basic shapes of the waveforms
 يعني الأشكال الأساسية ,, حاجة يعني أظن هتكون لطيفة بإذن الله




الأشكال الي أدامنا دي إيه ؟؟
 الشكل الأولاني ده عبارة عن مربع
 الشكلين الي في النص دول ,, والشكلين الي في
 الآخر دول عبارة عن مثلثات
 الشكل نمرة أربعة دا عبارة عن نصف دائرة
 آخر اتنين ,, المربع الي هو exponential
 rising والمثلث الي exponential decay

هنعتبرهم زي بعض للتسهيل ,, فهنشيل ال exponential decay لأنهم بيعبروا عن نفس الحاجة

ما هو المربع في ال waveforms بتاعت ال ventilator ؟؟

المربع يعبر عن ال control parameter (أو ال constant اللى أنا بظبطه) ، أو ال set parameter
أو الحاجة اللى أنا بتحكم فيها بإيدي
يبقى ال variable اللى أنا بتحكم فيه بإيدي ، يبقى شكله مربع



ماذا عن المثلث ؟؟

المثلث يعبر عن ال dependent variable ،

اللى هو بيتغير على حسب ال control

(يبقى أنا لو متحكم في ال Pressure ، بزرق الهواء بقوة زق

معينة ، القوة دي هتدخل volume مختلف ما بين عيان

والتاني على حسب ال lung compliance ، يبقى ال


Pressure هنا هيبقى مربع ، وال volume هيبقى مثلث ، والعكس بالعكس)

أومال نص الدائرة بيعبر عن إيه ؟؟

النص دائرة تعبر عن ال spontaneous variable ، أو حاجة تلقائية لا هي set بال ventilator

ولا هي بتتغير على حسب ال set parameter

يبقى دي ال basic shapes of waveforms



يبقى الشكل ال squared ال ، هيمثل ال constant ، أو ال set parameter

يعني لو أنا في pressure mode ، بظبط فيه ال Pressure ، متوقع المربع يبقى

موجود في خانة ال pressure

إمّا لو أنا في volume mode ،

بظبط فيه ال volume وال flow ، المربع هيكون في خانة ال flow

ال Ramp wave ، أو المثلث ،

هيمثل ال variable parameter اللى أنا مش بتحكم فيه

يعني لو أنا volume mode ، يبقى ال ramp موجود في خانة ال Pressure

لو أنا pressure mode ، هيبقى ال ramp موجود في خانة ال volume

طبعاً ال sine wave ، أو نصف دائرة

دا spontaneous ، أو unsupported breathing


يبقى عشان نجمع ال basic shapes of different variables

أنا عندي ال volume شكله هيبقى إيه ؟؟

يا إمّا ascending ramp (مثلث) ، أو sinusoidal


(في حالات ال spontaneous breathing بس)





طيب ,, بالنسبة لل Pressure ؟؟

ال Pressure هيبقى rectangular (Only in pressure targeted breath)
يبقى لو لقيت ال Pressure << rectangular أو square أو حاجة متوازية يعني (مستطيل ,, أو مربع)
يبقى دا pressure targeted breath لكن ,,
ال exponential rise ,, أو ال ascending ramp (دا في ال volume breath)



طيب ,, بالنسبة لل flow ؟؟

ال flow هيبقى شكله rectangular بس في ال volume targeted breath لكن ,,
يبقى شكله descending ramp ,, أو exponential decay في either pressure or volume targeted breath
ال sinusoidal زي ما اتفقنا ده في ال spontaneous flow

يبقى في الفيديو القادم بإذن الله ,,
هنبتي stepwise systematic approach ,, أو التطبيق العملي interpretation of mechanical ventilation waveforms لل

هما خمسة steps زي ما اتفقنا :

الخطوة الأولى identify the types ,,

رقم واحد ,, إيه ال types (عايزين نعرف ال type of the waveform الي أدامي ,, يا ترى دا Scalar ولا Loop ؟؟)
ولو Scalar أنهي Scalar ؟؟ ولو loop أنهي loop ؟؟
بمجرد شكل ال graph عايز أعرف نوع هذا ال graph

رقم اثنين ,, عايز أعرف نوع الأنفاس الي أدامي في ال graph ,, هل هي volume targeted أنا متحكم في ال volume فبالتالي ال pressure هيتغير ما بين نفس والتاني ؟؟ ولا هي pressure targeted أو pressure limited أنا بظبط فيها ال Pressure فال volume ممكن يتغير من نفس للتاني ؟؟
وهل هي controlled ولا assisted ولا supported ولا spontaneous

رقم ثلاثة ,, لما أعرف مجموعة الأنفاس الي أدامي دي أنواعها إيه ,, أقدر أحدد إيه ال Mode
يبقى دي الخطوة الأولى الي هي اسمها identify the types

الخطوة الثانية ,, identify the ventilator settings

عايز أعرف ال ventilator settings على حسب ال Mode الي أنا شخصته والي أنا عرفته فالخطوة رقم واحد
عايز أطلع ال settings الي ال Operator ظابطها في ال ventilator
من نظرتي على ال curve

الخطوة الثالثة ,, evaluate the lung mechanics

عائز أعمال evaluation of the lung mechanics ,, هل العيان دا عنده High compliance ولا low ولا good compliance
هل العيان ده عنده Normal resistance ؟؟ ولا high resistance ؟؟
هل عنده combined problem ولا لا ؟؟ ولا عنده elsewhere other problem rather than the lung mechanics

الخطوة الرابعة ,, evaluate the appropriateness of ventilator settings

عائز أعرف ال settings المظبوطة في ال ventilator دي مناسبة للعيان باستخدام ال curve بس ,, بمجرد النظرة على ال curve ,, هل ال tidal volume دا مناسب ؟؟ هل ال Pressure دا مناسب ؟؟ عائز أعرف كل ال settings الي أنا ظابطها هل هي مناسبة للعيان ولا غير مناسبة للعيان عن طريق النظر على ال waveform

الخطوة الخامسة ,, evaluate and diagnose specific problems (in each graph)

عائز أعمال evaluation and diagnosis specific problem ,, كل curve بيظهر فيه مجموعة من المشاكل ,, عائز أعرف هل العيان دا يعاني من specific disease ,, وإيه وضع ال patient ventilator interaction من خلال ال waveform
يبقى دول الخمسة steps الي هنبتي نطبقهم عملياً بإذن الله من الفيديو القادم ☺

لله الحمد والمنة والثناء الحسن

تم الإنتهاء من تفريغ المحاضرة بتاريخ 23 أبريل 2020 الساعة الثالثة و 48 دقيقة عصراً
وعذراً لو فيه خطأ غير مقصود

The excellence of this tafreegh does not only lie in its simple read, understand and recall way, but in the fact that it was written with the love of giving and passing knowledge. Graciously accept this tafreegh, for as we can only give ourselves by giving away to others.

لمزيد من المواد المفردة

على الفيس بوك

صفحة تفريغ المواد الطبية



www.facebook.com/dr.tafreegh3

نحبكم في الله

إذا عجبك أي شيء متفرغ تابع لصفحة أو جروب

تفريغ المواد الطبية

وحبيت حضرتك تنقله اتفضل

بذكر المصدر أو بدون

المهم إن المعلومة توصل لغيرك

واحتسب إنك بتوصل معلومة لغيرك

وإن شاء الله لك من الأجر الكثير بإذن الله

ويكون في خدمة الإسلام

ويكون سبب في علاج مريض باختلاف اسمه أو جنسه أو دينه

اللهم اجعل عملنا خالصاً لوجهك الكريم

اللهم آمين

سلام بقا ☺